



Universitätsbibliothek Paderborn

**Expositio Cavsarvm Quibus S. R. M. Sveciae bellum à
Rege Regnoque Daniae sibi illatum, etiam post Pacem
Roschildiae initam, continuare coacta fuit**

Coyet, Peter Julius

[S.I.], 1658

Secretarii Barsaenii narratio prior, continens, quid Hamburgo
Glückstadium missus, ob Carloffii arrestum affecerit.

urn:nbn:de:hbz:466:1-10534

cedendi, quemadmodum isthæc omnia literæ pignoris, & assecutoriæ pluribus comprehendunt & edocent.

Lit. TT.

**Secretarii Barsænii narratio prior, continens, quid
Hamburgo Glückstadium missus, ob Carloffii ar-
restum affecerit.**

Ussu Sac. Reg. Maj. Sueciæ Residentis Dom. Vincentii Mölleridie no-
na Junii Hamburgo discessi, quæ eadem die Glückstadium veni. Sed
quoniam multa vespера inclinabat, sequenti die decima Junii ad Dn.
Cancellarium Reinkingium me contuli, & oblatis, quæ ad Consilium
Status ibidem spectabant literis meis Credentialibus in hanc sententiam
locutus sum: Notum satis esse, S. R. M. Sueciæ subditum, Nobilem Suedi-
cum, Henricum Carloffium, Socium olim atq; Condiretorem Societatis
Suecorum Africanæ, non solum Castella & Munimenta Suedicain littori-
bus Guineæ nefariè occupasse, sed & Gubernatorem ibidem Crusenster-
num cum aliquam multis aliis captivum abduxisse, & laudatæ Societatis
Africanæ naves cum ingenti auri parte, aliisq; pretiosis mercibus rapuisse, &
cum iis Glückstadium ad Albim fluvium appulisse. Cum autem universum
hoc negotium S. R. M. Sueciæ principaliter concernat, supradictum Dn.
Residentem suarum partium duxisse, me huc alegare, & quam instantissi-
me petere, vellent Carloffium istum una cum omnibus secum adductis na-
vibus & mercibus interea temporis a servare & arresto subjicere, quod, juxta
tenorem Pactorum inter Septentrionales Reges Roschildia nuper initio-
rum, bona ista alienata & Societati surrepta eò melius recuperari & resti-
tui queant. Cum etiam fama sit, Carloffium castella ista Guineensia jam
dum aliis tradidisse, ut eorundem recuperatio, si res ita se haberet, multorum
millium impensis postulatura sit, utiq; necessario requiri, ut præp̄imis ipse-
met Carloffius custodiatur & arresto arctiori detineatur, ne in maximum
S.R.M. Sueciæ præjudicium fugace subtrahere, navesq; & merces clancu-
lum auferre & hinc abducere queat. Insimul relaxationem captivorum &
ablatorum restitutionem enixissime postulari & contendi, præsertim cum
periculū heic in mora sit, & Carloffius cum navibus & bonis facillimè elabi
possit. Ad hæc Dominus Cancellerius respondebat, Consilium Status quidē
eiusmodi res, excluso Domino Gubernatore, haec tenus expediendas non su-
fcepisse, quia tamen literæ Credentiales ad Consilium spectarent, velle se per
Generalem Auditorem & Secretarium Regium Schnidebachum Domino
Campi-Mareschallo Generali Ebersteinio quid a me propositum significa-
re, quo me ipsum etiam conferre, & responsū exspectare deberem. Pro qui-
bus omnibus decentes egigratias, & excusavi, literas Credentiales non si-
mul

mulad Dn. Ebersteinum directas, eò quod nesciverit Dn. Residens, ipsum
hodie heic esse. A meridie itaque Dn. Generalē Campi. Mareschallum adii
& præsente Dn. Colonello Lützovio aliisq; in eandem sententiam, ut apud
Dn. Cancellarium locutus sum, ubi hoc responsum obtinui, se ad narratio-
nem Schneidebachii jam dum mandasse, ut ambæ naves una cum impositis
mercibus ad tuorem custodiam in portum deducerentur, concessisse etiam
Dn. Crusensternio aliisque captivis, ut pro lubitu sibi in urbe hospitium
eligerent, & per dies aliquotib; permanerent, donec à S. R. M. Daniæ ad
literas quas ob istam rem scripsisset, responsum acciperet. Quod verò Carloffium ipsum attineret, cum ipsius expeditio nomine S. R. M. Daniæ su-
cepta & peracta sit, dubitare se, utrum arresto propterea gravari possit. Et
cum ego regererem, quod subditus & nobilis Suedicus esset, & commu-
nem præterea Hamburgi famam circumferri, Carloffium munimenta ista
Guineenfia jam dum alii tradidisse, juxta vigorem verò Instrumenti Pacis
omnia restituenda, utique majorem Carloffii rationem habendam, ipsum
que diligenter custodiendum; Dominus Campi-Mareschallus Locumte-
nentem Bremerum ad se vocati jussit, eique injunxit, ut de Carloffio dili-
genter inquireret, & inventum statim intimaret. His peractis post debitam
gratiarum actionem die 11. Jun. G'ū. kstadio. discessi & eadem Hambür-
gum sum reversus, ubi quæ Domino Residenti orerenu exponueram, scri-
pto consignare justus sum. Hamburgi. 12. Jun. Anno 1658.

Georgius Barsenius
Capit. Hamburg. Secet.

Altera Barsenii narratio, cum eodem negotio iterum
Glückstadium esset missus.

Anno 1658. d. 13. Junii præviā iterum requisitione Domin. Residen-
tis Mölleris Ego & Libertus Wouters Glückstadii inter horam deci-
mam & undecimam pomeridianam S. R. M. Daniæ Campi-Mareschallum
Generalem Dominum Ebersteinum covenimus, eique inscriptas Creden-
tiales obtulimus, quibus resignatis perleatisque, præmissis præmittentis re-
censimus: Excell. Suæ in recenti memoria hærere, quid præterita die Jo-
vis, 10. hujus mensis, ob duas istas naves atque merces per Henricum Car-
loffium ex Guinea huc allatas actum & perfectum sit. Cum verò interea
temporis à fide dignis relatum fuerit, dictum Carloffium clam se subduxisse,
& credibile esse, ipsum maximam allati auti partem secum abutuisse; & non
solum S. R. M. Sueciæ in Guinea sita munimenta, prævia S. R. M. Daniæ
Commissione, à Carloffio occupata, sed & insuper omnia illinc ablata mo-
bilis, sive sint naves sive merces, virtute articuli XI. Pactorum Roschilden-
sium.